



Iluarsiiisut

Siunnersuut 10. marts 2023-meersoq taarserpaa
(Kalaallit taaguusersuutaannut ukununnga; meeqqat illersuisuat, inuit innarluutillit
illersuisuat aamma utoqqaat illersuisuat aaqqiisoqarpoq)

Ilanngussaq

**Siunnersuummut uunga tusarniaanermi akissuteqaat:
Meeqqat illersuisuat aamma Meeqqat pillugit Siunnersuisoqatigiit
pillugit Inatsisartut inatsisaata allanngortinneqarneranut, Inuit
Innarluutillit illersuisuat pillugu Inatsisartut inatsisaata
allanngortinneqarneranut, Utoqqaat illersuisuat pillugu Inatsisartut
inatsisaata allanngortinneqarneranut, Isumaginninnermik
suliassaqarfimmi pissaanermik atuneq pillugu Inatsisartut
inatsisaata allanngortinneqarneranut kiisalu Inuit Pisinnaatitaaffii
pillugit Siunnersuisoqatigiit pillugit Inatsisartut inatsisaata
allanngortinneqarneranut Inatsisartut inatsisaat**

06-03-2022
Suliap normua 2022 - 11602
All. 22087288

Postboks 260
3900 Nuuk
Oqarasuaat (+299) 34 50 00
Nassitsigasuaat(+299) 34 66 66
E-mail: iian@nanoq.gl
www.naalakkersuisut.gl

Siunnersuut piffissami uani 8. novembari 2022 – 13. decembari 2022
tusarniaassutigineqarsimavoq. Tamatuma saniatigut siunnersuut piffissami tassani
tusarniaanermi nittartakkami www.naalakkersuisut.gl-imi tamanut
saqqummiunneqarnikuuvoq.

Pingaarnertut oqaaseqaatit

Tusarniaanermi akissutit, teknikikkut kiisalu oqaasertaatigut kukkunernut amigaatinullu
oqaaseqaatinik imaqartut, annertunerusumik oqaaseqarfiginagit siunnersuummut
missingiummi iluarsineqarput. Missingersuutip imarisaanut tunngasunik oqaaseqaatillit
tusarniaanermi akissutit tiguneqartut tamarmiutillugit issuarneqarput
naalakkersuisoqarfiullu oqaaseqaatai uingasumik allanneqarlutik.

Tunuliaqutaasoq / Aallaqqaasiut

Siunnersuummi uani Meeqqat Illersuisuat aamma Meeqqat pillugit Siunnersuisoqatigiit
pillugit Inatsisartut inatsisaanni, Inuit Innarluutillit illersuisuat pillugu Inatsisartut
inatsisaanni aamma Utoqqaat illersuisuat pillugu Inatsisartut Inatsisaanni oqaatsitigut
iluarsiisoqarnissaata suliarinissaa siunertaavoq.

Siunnersuut atortutigut allannguinissamik imaqaangilaq, tassanilu "illersuisumut" kalaallit
taaguusersuutaata allanngortinnissaa kisimi pineqarluni. Taamaammatt inatsisini
kalaallisut allanneqartut allanngortinnissaat kisimik pineqarput.

Tamanna tunngavigalugu illersuisunut eqqortumik taaguusersuutip nalilersuiffiginissaa
pillugu Naalakkersuisut Oqaasilerisunut qinnuiginnissimapput. Oqaasilerisut illersuisut
peqatigalugit isumaqatigiillutik aalajangersimapput "oqaaseqartartoq" siunissami
illersuisumut taaguusersuutitut atorlugu atuutsinneqassasoq akuerineqassasorlu.

Illersuisumut kalaallisut oqaaseq "illersuisumiit" "oqaaseqartartumut" allanngortinneqassasoq siunnersuutigineqarpoq.

Meeqqanut, Inuusuttunut Ilaqutariinnullu Naalackersuisoqarfik tusarniaanermi akissutinik tusarniaaffigineqartunit ukunannga tigusaqarsimavoq:

Tilioq – Inuit innarluutillit oqaaseqartartuat, Meeqqat oqaaseqartartuat MIO,

Meeqqanut, Inuusuttunut Ilaqutariinnullu Naalackersuisoqarfik tusarniaanermi akissutinik oqaasertaliussaqaanngitsunik tusarniaaffigineqartunit ukunannga tigusaqarsimavoq:

Kommuneqarfik Sermersuumi Meeqqanut Ilaqutariinnullu Ingerlatsivik, Kommuneqarfik Sermersuumi Suliffeqarnermut Isumaginninnermullu Ingerlatsivik, Avannaata Kommunia, Utoqqaat Oqaaseqartartuat, Qeqqata Kommunia

(Tusarniaanerup qulequtaa) pillugu tusarniaanermi akissuteqaammi nassuiaatinut oqaaseqaatit

1. Tilioq – Inuit Innarluutillit illersuisuata eqqaavaa gruppi oqaaseqartartup sinniisuuffigisaa immikkut oqaatsimik saavaniittoqarpat, assersuutigalugu meeqqat..., inuit innarluutillit..., utoqqaat... allallu oqaaseq "pillugit" "oqaaseqartartoq" saavaniissasoq. Matumani **sinnerlugit** ilanngunneqaanngilaq, taanna inuit pisinnaatitaaffiit eqqarsartaasianni tamatumunngalu oqaaseqartartup atuuffiini qitiusuuvoq. Inuit pisinnaatitaaffiisa iluanni "pillugit oqaluuserinninneq" orniginanngilluinnarpoq. Taamaattumik MIO-miit TILIOQ-miillu siunnersuutigaarput **Meeqqat Oqaaseqartartuat/Meeqqat sinnerlugit oqaaseqartartoq** tulluarnerrujussuussasoq. Tassa imaappoq pillugit atornagu sinnerlugit atussaaq, imaluunniit pillugit pinnagu oqaaseq arlaat.

Meeqqanut, Inuusuttunut Ilaqutariinnullu Naalackersuisoqarfiup akissutaa:

Oqaasiliortut aalajangiussaata Naalackersuisoqarfimmit innersuussutigineqarpoq:

Matumani allakkat ukua aqqutigalugit ulloq 2. februar 2022 aallarnertigalugu gruppi oqaaseqartartup sinniisuuffigisaa immikkut oqaatsimik saavaniittoqarpat oqaaseq "pillugit" "oqaaseqartartoq"-p saavaniinnissaa pillugu Kalaallit Nunaanni Oqaasileriffiup (Oqaasiliortut) aalajangiussaata ataannarnissanut aalajangiinertik nalunaarutigaaq, erseqqissaassutigineqassaarluni una Oqaasiliortut aalajangiussaata inaarutaasuummat.

Oqaasiliortut isumaqarput oqaaseq "pillugit" oqaatsimiit "sinnerlugit" oqaaseqartartup atuuffiinit naapertuunnerusoq, pissutigalugu oqaaseq "pillugu" isummanut allanut taaneqareersunut ilanngullugit aamma imatut isumaqarami "taakkua pillugit; taakkununnga ajunnginnerpaaq anguniarlugu".

Oqaaseq "sinnerlugit" isummanut "taarsiullugu; sinnerlugit"-nut naapertuuppoq tamannalu isumaqarpoq isummaniit allaniillu ungasillinani isornartorsiuinanilu sinniisup gruppi sinniisuuffigisami isumai, misigissusai assigisaallu pillugit erseqqissaassammatt.

Oqaaseq "pillugit" ("taakkua pillugit; taakkununnga ajunnginnerpaaq anguniarlugu") pineqartillugu illersuisoqarfiit atuuffii allat, soorlu siunnersuineramik ilitsersuinermillu ingerlatsineq allallu aamma ilanngunneqassapput, pissutigalugu "taakkua pillugit" aamma isumaqarami "taakkununnga iluaqutissatut" taannalu "siunissami allat pisariaqartitai, kissaataat atugarissaarnerat assigisaalu pillugit ernumaatigineqarnerat"-nut atatillugu atorneqartoq.

2. Meeqqat illersuisuata eqqaavaa oqaaseq "pillugit" gruppi oqaaseqartartup sinniisuuffigisaa immikkut oqaatsimik saavaniittoqarpat, assersuutigalugu meeqqat..., inuit innarluutillit..., utoqqaat... allallu oqaaseq "pillugit" "oqaaseqartartoq"-p saavaniissasoq. Meeqqat Illersuisuata erseqqissaatigaa "sinnerlugit" inuit pisinnaatitaaffiit eqqarsartaasianni tamatumunngalu oqaaseqartartup atuuffiini qitusoq qulaani Kalaallit Nunaanni Oqaasileriffimmiit eqqaaneqartoq ilanngunneqanngimmat. Inuit pisinnaatitaaffiisa iluanni "pillugit oqaluserinnineq" orniginanngilluinnarpoq. Taamaattuumik Inuit Innarluutillit illersuisuat Anja Hynne Nielsen Meeqqat illersuisuat peqatigalugu assuarliutiminni siunnersuuteqarput taaguutit Meeqqat Oqaaseqartartuat/Meeqqat sinnerlugit oqaaseqartartoq tulluarnersussasut. Tassa imaappoq "pillugit" atornagu "sinnerlugit" atussaaq, imaluunniit "pillugit" pinnagu oqaaseq arlaat.

Meeqqanut, Inuusuttunut Ilaqutariinnullu Naalackersuisoqarfiup akissutaa:

Oqaasiliortut aalajangiussaata Naalackersuisoqarfimmit innersuussutigineqarpoq:

Matumani allakkat ukua aqutigalugit ulloq 2. februar 2022 aallarnerfigalugu gruppi oqaaseqartartup sinniisuuffigisaa immikkut oqaatsimik saavaniittoqarpat oqaaseq "pillugit" "oqaaseqartartoq"-p saavaniinnissaa pillugu Kalaallit Nunaanni Oqaasileriffiup (Oqaasiliortut) aalajangiussaata ataannarnissanut aalajangiinertik nalunaarutigaat, erseqqissaassutigineqassaarluni una Oqaasiliortut aalajangiussaata inaarutaasuummat'.

Oqaasiliortoq isumaqarpoq oqaaseq "pillugit" oqaatsimiit "sinnerlugit" oqaaseqartartup atuuffiitut naapertuunnerusoq, pissutigalugu oqaaseq "pillugu" isummanut allanut taaneqareersunut ilanngullugit aamma imatut isumaqarami "taakkua pillugit; taakkununnga ajunnginnerpaaq anguniarlugu".

Oqaaseq "sinnerlugit" isumanut "taarsiullugu; sinnerlugit"-nut naapertuuppoq tamannalu isumaqarpoq isummaniit allaniillu ungasillinani isornartorsiuinanilu sinniisup gruppip sinniisuuffigisami isumai, misigissusai assigisaallu pillugit erseqqissaassummat.

Oqaaseq "pillugit" ("taakkua pillugit; taakkununnga ajunnginnerpaaq anguniarlugu") pineqartillugu illersuisoqarfiit atuuffii allat, soorlu siunnersuineramik ilitsersuinermillu ingerlatsineq allallu aamma ilanngunneqassapput, pissutigalugu "taakkua pillugit" aamma isumaqarami "taakkununnga iluaqutissatut" taannalu "siunissami allat pisariaqartitai, kissaataat atugarissaarnerat assigisaalu pillugit ernumaatigineqarnerat"-nut atatillugu atorneqartoq.

